

# Gjaldskrá vegna hundahalds í Skeggjastaðahreppi á árinu 1995

## 1. gr.

Gjald fyrir að hafa hund í Skeggjastaðahreppi sbr. 3 gr. samþykktar um hundahald innan þorpsmarka Bakkafjarðar frá 29. desember 1994, skal vera 6.000 kr. á árinu 1995. Gjaldið greiðist fyrirfram á gjalddaga 1. mars og er óafturkræft. Innifalið í leyfisgjaldinu er hundahreinsun og merki við fyrstu skráningu.

## 2. gr.

Handsömunargjald samkvæmt 6. gr. samþykktar um hundahald innan þorpsmarka Bakkafjarðar skal vera 3.300 kr. í fyrsta skipti, 5.500 í annað skipti og 7.700 í þriðja, fjórða og fimmta skipti.

## 3. gr.

Um greiðslu vaxta af vangreiddum gjöldum fer samkvæmt lögum nr. 25/1987, ásamt síðari breytingum.

## 4.gr.

Gjaldskrá þessi sem samin er og samþykkt af hreppsnefnd Skeggjastaðahrepps samkvæmt 22 gr. laga nr. 81/1988, um hollustuhætti og heilbrigðiseftirlit, staðfestist hér með til að gilda árið 1995.

Umhverfisstjórnuneytið, 29. desember 1994

F.h.r

Ingimar Sigurðsson  
Sigurbjörg Sæmundsdóttir

## Samþykkt um hundahald innan þorpsmarka á Bakkafirði

### 1.gr.

Hundahald er leyfilegt innan þorpsmarka á Bakkafirði að uppfylltum þeim skilyrðum sem fram koma í samþykkt þessari.

### 2.gr.

Íbúum skráðum með búsetu í sveitafélaginu geta sótt um leyfi til hreppsnefndar Skeggjastaðahrepps á þar til gerðu eyðublaði til þess að hafa hund. Ólögráða einstaklingur skal fá samþykki lögráða ábyrgðarmanns sem skráður skal við leyfisveitingu hundsins.

Hreppsnefnd, eða aðilar á hennar vegum, gefur út leyfi og annast eftirlit með hundahaldi innan þorpsmarka Bakkafjarðar í samráði við heilbrigðisnefnd, og getur leitað aðstoðar lögregluþyrvalda ef þörf krefur.

### 3.gr.

Hundaeigendur skulu árlega greiða fyrir leyfisgjald samkvæmt gjaldskrá sem hreppsnefnd samþykkir. Hundahreinsun og merki eru innifalin í leyfisgjaldinu. Hundaeigendum er skylt að hafa ól á hundum sínum með áðurnefndu merki. Þeim er skylt að mæta með hunda sína til árlegrar hundahreinsunar og endurnýjunar leyfis.

### 4.gr.

Hundaeigandi skal gæta þess vel að hundurinn valdi ekki hættu, óþægindum eða óþrifnaði né raski ró manna. Hundaeigendum er skylt að þrifa undan og eftir hunda sína innan þorpsgirðingar.

### 5.gr.

Hundaeigendum er skylt að hafa hundaeigendatryggingu hjá viðurkenndu tryggingafélagi. Leyfi er ekki veitt nema gegn framvísun vottorðs um gildandi hundaeigendatryggingu.

6.gr.

Lausaganga hunda innan þorpsgirðingar er stranglega bönnuð. Hundaeigendum í þorpinu er heimilt að hafa hunda sína lausa á eigin lóðum enda sé hundheld girðing á lóðarmörkunum.

Ef hundar ganga lausir innan þorpsgirðingar skulu eigendur eða umráðamenn þeirra þegar gera ráðstafanir til að handasama þá. Lögreglan getur tekið slík dýr í vörslu sína. Ef eigandi gefur sig fram eða finnst skal hann greiða áfallinn kostnað. Hafi hundsins ekki verið vitjað innan viku skal honum ráðstafað til nýs eigenda, hann seldur fyrir áföllnum kostnaði eða hann aflífaður í samræmi við ákvæði laga nr. 15/1995 um dýravernd á kostnað hundaeigenda. Hið sama á við um óskráða aðkomuhunda sem ekki er vitjað innan viku frá því að þeir eru handsamaðir.

Ef hundur er handsamaður fimm sinnum skal hreppsnefnd afturkalla leyfi hundaeigenda til að halda hund.

7. gr.

Hættulegum hundum (samkvæmt úrskurði dýsalæknis) og hundum sem eigi er leyfi fyrir skal þegar lóga.

8.gr.

Ef hundaeigandi brýtur ítrekað gegn ákvæðum samþykktar þessarar eða öðrum reglum sem um hundahald gilda, getur hreppsnefnd afturkallað leyfið.

9. gr.

Með brot á samþykkt þessari skal fara samkvæmt ákvæðum laga nr. 81/1988 um hollustuhætti og heilbrigðiseftirlit.

Brot gegn samþykkt þessari varðar sektum eða varðhaldi.

10.gr.

Samþykkt þessi er samin og samþykkt af hreppsnefnd Skeggjastaðahrepps og staðfestist hér með samkvæmt lögun nr. 81/1988 um hollustuhætti og heilbrigðiseftirlit, til að öðlast gildi 1. mars 1995.

Umhverfisráðuneytið, 29. desember 1994

F.h.r.

Ingimar Sigurðsson  
Sigurbjörg Sæmundsdóttir